

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Illvstrivm Virorvm Epistolae, Hebraicae, Graecae et
Latinae, Ad Ioannem Reuchlin Phorcensem virum nostra
aetate doctissimum diuersis temporibus missae**

Reuchlin, Johannes

Hagenoae, 1519

Ioannes Reuchlin, Guilielmo Copo medicinae Doctori, apud parisios. S. D.
P.

[urn:nbn:de:bsz:31-270838](#)

PIST. ILLVST. VIRORVM AD.

nem sedis Apostolicæ, cui præfatus Doctor Io. Reuchlin se semper subiecit suum retinere uigorem. Quia in re nobis nihil facies gratius, pari uel uberiore gratitudine compensandum. Feliciter ualete. Ex Stutgarten. XIII. KL. Iulias. Anno. M. D. XIII.

Guilielmus Copus Basiliensis Medicinæ Doctor,
Ioanni Reuchlin Phorcensi

S. D. P.

VANQVAM ante hac nulla mihi fuit cū excellentia tua necessitudo celeberrime Doctor, non porui tamen nō dolere, quum nomen tuum adeo ab indoctis calumniari intelligerem, cuius rei Historiam ab his qui una cum obrectatoribus tuis tum aderant lucidissime intelliges. Ego agebam in aula Christianissimi Fracorum Regis, quum te æmuli laerarent, interea Episcopus, qui hostibus tuis fauebat, cum multa in te diceret, famam tuam laniando, interrogatus a Regia Majestate an te noscerem, respondi, quadraginta iam annis non uidisse me te, sed tum quum Basileæ docebas Praeceptorem meū Ioannem Heberling Gauundiensem scire me, te celebratissimi fuisse nominis, & in liberalibus artibus & literis humanitatis adeo, ut ea tempestate nemo tibi esset comparandus, nec deluisse te ab illo tempore continuam in literis operā collocare, atq; huius rei locupletissimos testes esse libros multa eruditioē refertos, qui ex officina tua prodierunt. Tunc aduersarius ille, quum nihil aliud haberet quo uerba mea refelleret, dixit me pariter Iudaïa re. Hæc ideo scribere uolui, ut noscas me tibi deditissimum, atq; pro nominis tui defensione, uel ultima etiam experturum. Vale ex Parisiorum Lutecia, octavo kal. Septembres An. M. D. XIII.

Ioannes Reuchlin, Guilielmo Cope Medicinæ
Doctori, apud Parisios. S. D. P.

QVOD tam fideliter & confidenter literatissime Cope, doctrinarum mearum nepos, integritatem honoris mei corā Rēge Francorū & potētissimis obrectatoribus meis commemoratione ueteris nostræ uitæ defenderis, merito ingentes tibi ago gratias. Id aut nō nisi diuinis? ita cecidisse arbitrabor,

JOAN REVCH. LIB. SECUND.

¶ usq; adeo ubi absens lacerabar, ubi laniabar ab insidiatoribus occultis, ibi nescio quis casus, quæ fortuna te mihi subito dedit amplificatorem dignitatis meæ, quanquam uicit malorum hominum pertinacia tuam illam fraternalm erga me plenâ humilitatis, & pietatis uoluntatem, quo minus prohibere ualueris Regiam a me auersionem. Nemo id miretur, nemo stupeat, longe plura enim possunt illi principum Pœnitentiarii, reatum & turpitudinem consciæ, qua occasione ipsi de medio confessionum extorquent a pœnitentibus quodcumq; liber. Próinde supposuerunt ad eam rem Prædicatores, ordinis sui fraterculum Regis pœnitentiarium ut suis sibi uafricis facilem Regem conduceret quorum optarent. Illi uero Patres & Magistri nostri non eo debebât peccare, q; Regis indulgentiâ consequuti erant, quin potius animaduertere, q; deus habet vindicē oculum (ut ait Homerus) qui & si lento quandoq; gradu procedat ad vindictam, tamen tardita tem supplicii grauitate compensat. Fecissent prudentius tui Parisienses bonam filii sui famam conseruando, q; sororis suæ Agrippinae Calumnias iuuando. Fecissent sanctius obediendo Apostolis cissententis, inhibitionibus & mandatis, quâ temerarie furioseq; aut si leuius dici uelis, stulte per ignorantiam crassam & supinam aduersus Romanam Iurisdictionem proteruiendo. Si nescis Cope, fuit hæc Apostolica sententia his uerbis promulgata. Pronunciatus, decernimus & declaramus, libellum Ocularis Speculi cum sua annexa declaratione in actis causæ deductum (cum ex declaratione & declarato sit unus & id liber & sui ipsius declaratiuus) a DN. Ioanne Reuchlin Doctore compilatum atq; editum, de suspicione atq; insimulatione hereticæ prauitatis aliisq; crimini bus sibi per Fratrem Iacobum ante dictum hac in causa aduersarium ex aduerso principalem eidemq; adhærétes, indebitè temerarie iniuste tacita ueritate fuisse & esse notatum atq; diffamatum, sibiq; Fratri IACOBO & eidem adhærentibus, aut sua quo modolibet interesse habere putatibus diffamations & accusations huiusmodi facere & publicare minime licuisse neque licere, & eisdem omnibus aduersariis & singulis aliis super præmissis perpetuum silentium imponendum fore & imponimus, nec nou



E P I S . I L L V S T . V I R O R V M A D

pari nostra diffinitiuia sententia decernimus & declaramus super memoratum libellum, cum eius declaratione annexa, ut præferi, nullam hæresim aut errorem ab ecclesia publice damnatum, manifeste sapere aut continere, perfidis Iudeis non plus q̄ debeat aut iura permittant fauorabilē fore, aut ecclesiæ Dei seu sacris eiuidē doctoribus, neq; iniuriosum neq; irreuerentiale esse, & ab omnibus ipsum Oculare speculum cum eius annexa declaratione, quā in singulis coniunctam cum libello & repetitam esse uolumus. legi & publicari posse, diffamatiōe in contrarium ab aduersariis deducta non obstante. Simili modo pari nostra diffinitiuia SE N T E N T I A ante dictum Fratrem Iacobum Inquisitorem in expensis in huiusmodi causa pro parte dicti Domini Ioannis Reuchlin Doctoris, tam coram nobis & nostris subdelegatis q̄ Moguntiæ legitime factis condemnandum fore & cōdemnamus, quarum taxationem nobis in posterum referuamus. Hac Cōmissarius apostolicus reuerendus & Illustris Dominus Spirensis Episcopus. Audi nunc quid Reuerendissimi Cardinales appellatione remota iudices dati Grimanus & Anconitanus. Districte præcipiendo, inquit, mandamus, quatenus Reuerendissimo in Christo patri & domino, domino Dei & Apostolicæ sedis gratia Archiepiscopo Coroniensi sub interdicto ingressus ecclesiæ, eiusq; in spiritualibus & temporalibus Vicario seu Officiali generali, & ceterisq; officialibus Iudicibus, Commissariis, delegatis, subdelegatis, ordinariis, extraordinariis quibuscunq; quacunq; auctoritate fungentibus, & præfertim Arnaldo Tungaro, & ceteris Theologis, Theologiae facultatibus Inquisitoribus & Vniuersitatibus, omnibusq; aliis & singulis, quorum interest, intererit aut interesse poterit quomodolibet in futurum, quibuscunq; nominibus censeantur, & quacunq; præfulgeant dignitate, de quibus pro parte dicti DN. Ioannis Reuchlin principalis fueritis requisiti, seu alter uestrum fuerit requisitus sub excommunicationis suspensionis & interdicti aliisq; ecclesiasticis sententiis & censuris etiam triam millium ducatorum auri de Camera boni & iusti pōderis, pro una ipsi Camerae apostolicæ & pro alia medietatibus parti applicadorum pœnis quas FERIMVS in his scriptis, quasq; Q V E M L I B E T huiusmodi no

I O. R E V C H. L I B E R S E C V N D.

stræ Inhibitioni contrauenientem incurrire uolumus ipso facto,
inhibeatis. Q VIBVS NOS etiam unā cum præfato Reue
rendissimo Cardinali sancti Eusebii, tenore p̄sentiū sub similibus
penis inhibemus, ne ipsi uel eorum alter in causa & causis huius
modi, per se uel aliū, seu alios, publice uel occulte, directe uel indi
recte, quouis quæsito colore uel ingenio, in uilipendium litis pen
dentia & Iurisdictionis nostræ, immo uerius Apostolicæ aut in di
cti Domini Io. Reuchlin principalis, Iurisq; sui præiudicij & gra
uamen, lite & causa huiusmodi sic coram nobis indecisis penden
tibus, quicquam attentare, seu innouare præsumat. Quod si secus
factum fuerit, id totum reuocare & ad statum pristinum reducere
& ad dictarum excommunicatiōis & aliarum censurarum & po
narum D E C L A R A T I O N E M earumque aggrauationem
reaggrauationem, interdicti ecclesiastici appositionem, ac auxilii
brachii secularis iocationem procedere curabimus, iusticia me
diante. Da igitur Cope operam, etiam atq; etiam oro, ut Christia
nissimus ipse rex tuus, te monstrante tuoq; ducatu, me Christianū
esse Doctorem, uel ex his Apostolicis sententiis & inhibitionibus
agnoscatur, & cogitet se fraudibus Poenitentiarii sui Parui, quippe
Fraticelli ac de Fraterculorum numero deceptum, seductumq;
fuisse, quo minus ipse mihi succenseat, si præconia quibus Faculta
rem Parisiensēm huc usque pluriū exornaueram dum mater
erat, postea q; mihi uersa fuerit in Nouercam, recantauero, & lau
des Parisiensium toto uitæ meæ tempore cum eorum summo ui
tuperio recte mutauero. Est enim iniusta Nouerca, ut ait Virgilius.
Et Seruius. Hoc, inquit, perpetuū est Nouercæ epitheton. Pro quo
uelim similiter expectet de me omnes Theologistæ, quos ego ue
ros esse theologos, licet deceptus, arbitrabar, male actæ uitæ ac ui
torum suorum immortale uituperium. De ipsis enim & singulis
& omnibus contrariam Stesichoro Palinodiam, aspirantibus Mu
sis agam, ut sibi ab illis malis caueant omnes boni, & eisdem eue
niat Neoptolemia vindicta. Vale mi Cope, nostri prælii armi
ger fidelissime.

Henricus Glareanus Heluetius, Poeta laureatus,

Ioanni Reuchlin LL. Doctori S. D. P.